



Bæjarráð Mosfellsbæjar
Haraldur Sverrisson
Mosfellsbær
Þverholti 2
270 Mosfellsbæ

Kópavogur, 6. apríl 2022
Málsnr. 1501007/PBG/HH

Efni: Viðauki við þjónustusamning við Fjölsmiðjuna.

Visað er til eftirfarandi bókunar 538. fundar stjórnar SSH 4.apríl sl.:

Fjölsmiðjan – rekstur og fjárhagur - 1501007

Framhald umræðu 532. fundar um stöðu og viðfangsefni Fjölsmiðjunnar, en fyrirbyggjandi er beiðni Fjölsmiðjunnar um árlegt aukaframlag á árunum 2022 - 2024 en áætluð hlutdeild sveitarfélaganna er 11,5 milljónir kr. pr. ár. Eftirfarandi var m.a. bókað í fundargerð 532. fundar: "Hvað varðar frekari fjárhagslegan stuðning við starfsemi Fjölsmiðjunnar þá liggur fyrir eftirfarandi bókun 529. fundar: "Stjórn tekur vel í frekari fjárhagslegan stuðning við Fjölsmiðjuna en áður en ákvörðun verður tekin óskar stjórn eftir því að vera upplýst um ferli viðræðna við aðra aðila um frekari fjárframlög eftir því sem þeim vindur fram. Málið verður svo tekið fyrir á ný." Er ofangreind bókun ítrekuð en enn sem komið er liggja niðurstöður viðræðna við aðra aðila ekki fyrir. Jafnframt verði skoðaðir möguleikar á að styðja við starfsemina með sérstöku átaksverkefni í gegnum áhersluverkefni sóknaráætlunar." Þá er fyrirbyggjandi til kynningar fundargerð frá fundi stjórnar Fjölsmiðjunnar sem fór fram 20. janúar 2022. Ellen J. Calmon formaður stjórnar Fjölsmiðjunnar og Sturlaugur Sturlaugsson forstöðumaður Fjölsmiðjunnar kynna helstu atriði er varða fjárhag, verkefnastöðu og notendur þeirrar þjónustu sem Fjölsmiðjan býður upp á.

Niðurstaða fundar:

Stjórn SSH samþykkir, fyrir sitt leyti, beiðni Fjölsmiðjunnar um viðbótarfjárframlag. Framkvæmdastjóra er falið að útbúa viðauka við gildandi samning um framlög til Fjölsmiðjunnar þess efnis að sveitarfélögin leggi samtals fram 11,5 milljónir króna aukalega á ári vegna árána 2022, 2023 og 2024. Viðaukinn verði sendur til efnislegrar umræðu og afgreiðslu á vettvangi aðildarsveitarfélaganna og fylgt eftir með frekari kynningu verði þess óskað.

Þá er vísað til greinargerðar/kynningar Fjölsmiðjunnar sem kynnt var á stjórnarfundinum en þar kemur m.a. fram að taprekstur sé á starfseminni sem m.a. megi rekja til áhrifa vegna Covid 19 ásamt launa- og verðhækkana. Mikilvægt sé að leita eftir auknu fjármagni til rekstursins svo ekki þurfi að koma til skerðingar á þjónustu. Í því ljósi hefur m.a. Vinnumálastofnun aukið framlag sitt til Fjölsmiðjunnar um 20 milljónir kr. og er beiðni svara við beiðni um aukið fjármagn frá mennta- og barnamálaráðuneytinu. Farið er þess á leit við sveitarfélögin að þau leggi til rekstursins 11,5 milljónir kr. á ári fram til ársins 2024 til viðbótar því sem þegar er lagt fram af hendi þeirra skv. núgildandi samningi. Nánar er gerð grein fyrir framlögum til Fjölsmiðjunnar í áður nefndri greinargerð. Skipting á viðbótarframlaginu myndi verða eftirfarandi:



Samtök sveitarfélaga á
höfuðborgarsvæðinu

Reykjavíkurborg	6.555 þ.kr.
Kópavogsbær	1.850 þ.kr.
Hafnarfjarðabær	1.495 þ.kr.
Garðabær	805 þ.kr.
Mosfellsbær	575 þ.kr.
Seltjarnarnesbær	230 þ.kr.
Samtals	11.5 m.kr.

Meðfylgjandi eru drög að viðauka við þjónustusamning sveitarfélaganna við Fjölsmiðjuna. Er farið fram á að drögin verði tekin til efnislegrar umræðu og staðfestingar á vettvangi sveitarfélagsins og að framkvæmdastjóra þess verði veitt fullt og ótakmarkað umboð til undirritunar sammingsins.

Er þess óskað að upplýsingar um afgreiðslu sveitarfélaganna samkvæmt framangreindu berist á netfangið ssh@ssh.is eins fljótt og kostur er.

Sé frekari kynningar óskað á framangreindu skulu beiðnir þess efnis jafnframt sendar á netfangið ssh@ssh.is.

Virðingarfyllst,
fyrir hönd SSH

Páll Björgvin Guðmundsson
framkvæmdastjóri SSH

Meðfylgjandi:

Drög að viðauka við þjónustusamning dags. 8. júní 2020
Kynning/greinargerð Fjölsmiðjunnar, 4. apríl 2022.